

## Забидий / ВАҲИЙНИНГ БОШЛАНИШИ КИТОБИ / 1588-ҳадис

1588/4121 – عَنْ أَبِي سَعِيدٍ الْخُدْرِيِّ رَضِيَ اللَّهُ عَنْهُ قَالَ: تَزَلَّ أَهْلُ قَرْيَظَةَ عَلَى حُكْمِ سَعْدِ بْنِ

مُعَاذٍ، فَأَرْسَلَ النَّبِيُّ صَلَّى اللَّهُ عَلَيْهِ وَسَلَّمَ إِلَى سَعْدٍ، فَأَتَى عَلَى حِمَارٍ، فَلَمَّا دَنَا مِنَ الْمَسْجِدِ قَالَ

لِلْأَنْصَارِ: قُومُوا إِلَيَّ سَيِّدِكُمْ [ أَوْ حَيْرِكُمْ ]. فَقَالَ: هَؤُلَاءِ تَزَلُّوا عَلَى حُكْمِكَ، فَقَالَ: تَقْتُلُ مُقَاتِلَتَهُمْ،

وَتَسْبِي ذُرَارِيَهُمْ، قَالَ: فَضَيْتَ بِحُكْمِ اللَّهِ عَزَّ وَجَلَّ، وَرَبَّمَا قَالَ: بِحُكْمِ الْمَلِكِ.

1588.4121. Абу Саъид Худрий розияллоху анху айтади:

«Бану Қурайза Саъд ибн Муъознинг ҳукм қилишига кўнди. Шунда Расулulloҳ соллаллоху алайҳи васаллам Саъдга одам юбордилар. У эшак миниб келди. Масжидга яқинлашганида у зот ансорларга: «Туринглар, саййидингизга [ёки яхшингизга] пешвоз чиқинглар!» дедилар. Сўнг (унга) «Манавилар сенинг ҳукм чиқаришингга кўнишди», дедилар. Шунда у: «Уларнинг жангчиларини ўлдирасиз, бола-чақаларини асир оласиз», деди. У зот: «Аллоҳнинг ҳукми билан ҳукм чиқардинг», дедилар».

Гоҳида: «Маликнинг ҳукми билан», деб айтган.\*

**Изоҳ:** Саъд ибн Муъоз розияллоху анху Мадинадаги Авс қабиласининг раҳбари бўлган. Авс қабиласи Бану Қурайза яҳудийлари билан аввалдан яхши муносабатда эди. Шунинг учун Набий алайҳиссалом Бану Қурайзани хиёнати учун жазоламоқчи бўлганларида улар Саъд розияллоху анхунинг ҳакам бўлишини талаб қилиб, «У киши нима ҳукм қилса, шунга розимиз», дейишган. Саъд розияллоху анху уларнинг устидан ўзларининг динларига кўра, яъни Тавротга кўра ҳукм чиқарган.

\* Бу ибора ровийлардан бирига тегишли бўлиб, у ўз устозининг гоҳида шундай деб ҳам ривоят қилганини айтмоқда. Бу ерда «Малик» деганда Аллоҳ таоло, яъни ҳақиқий мутлақ Подшоҳ назарда тутилган.



HADIS.ISLOM.UZ  
NUBUVVAT MARVARIDLARI